

Gij Dinfwngz Cojcienz Guh Laeujsienghsanh

□ Godoq comz hoiz



▲ Gij gangngvax hung caeng laeuj ce.

◀ Aen ciengzmienh vunz nyaengq guhlaeuj.



▲ Coq gang.

Laeujsienghsanh dwg cungj canjbinj gih raeuz Cenzcouh Yen gag miz, dwg cungj canjbinj dilij byauhci Cungguk.

Laeujsienghsanh daj ciuhgeq daeuj cungj aeu haeuxnaz ndei guh liuhdaez, aeu gij raemx sam ga dah doxcomz haenx naengj laeuj ngauz laeuj, yungh gij guhfap cojcienz ngauz, caemhcai caeng coq ndaw gangngvax ce. Neix guh ok gij laeuj "saeklaeuj saw rongh, heiqlaeuj hom ndei, haeuj bak couh raen unq diemz, ndwnj roengz hoz raeuz ndei, heiq hom hawj vunz singjaenj", baengh gij daegsaek neix okmingz dangqmaz, miz daegdiemj maenhndei heuhguh "gwn liux mbouj hozhat, fiz le mbouj gyauej dot". Cungj laeuj neix youq bi 1963、1979、1984、1989、1994 laebdaeb haj bi youq gwnz hoih daengx guk hoihbingz-laeuj ndaej bingzguh laeujmaenhndei gukgya gaep, ndaej gaiq ciengj-ngaenz, caemhcai laebdaeb bauj dwg gij mingzdaez laeuj mizmingz Guengjsae.

Gij Dinfwngz cojcienz guh Laeujsienghsanh daihgaiq ginggvaq doenghij mbaek lajneix: Genj haeuxnaz ndei, ceh haeux, naengj haeux, langx ndwq, gyaux lwgndo, coq gang, fatnengz, fat ndwq, ngauz laeuj, faen gaep caeng ce, ce nanz, doxcung, gienjniemh, baucang ok cangj daengj. Ndawde, coq gang-ngvax iq fatndwq aeu miz 10 daengz 12 ngoenz nanz; ngauz laeuz seiz mbouj aeu mboengq laeuj goek caeuq rieng le couh ndaej laeuj baenzndei; laeuj baenzndei gyaeng coq gangngvax hung fung ndei le ce bi ndeu doxhwnj.

2010 nienz 12 nyied 29 hauh, aen gihgou gaxgonq heuhguh Guek-

gya Cizgenj Cunggiz haenx baecin henhoh "Laeujsienghsanh" guh cungj canjbinj dilij byauhci.

Haujlai bi daeuj, baengh gij dinfwngz cojcienz guhlaeuj, cungj laeuj neix ndaej gai bae ndaw guk gak swngj(gih), si vanzlij ranghdieg Yanghgangj Aumwnz caeuq rog guk Meijgoz, Sinhgyahboh daengj. Aenvih dwg laeuj maenhndei gukgya gaep, Laeujsienghsanh gai bae lai, gai daengz dieg haemq gvangq, neix youq ndaw guk rog guk miz yingyang haemq lai.



▲ Gyaux lwgndo.



▲ Naengj haeux.



▲ Cang baenz bingz ndei.



▲ Bouxcawx yawj laeuj cawx laeuj.



▲ Laeujsienghsanh dwg cungj canjbinj dilij byauhci gukgya gaep ndeu.



▲ Ndaejiengj.



▲ Caeng laeuj ce.